

Abonnement pour un an:

250 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

Février 1925 — No 174

اجتهاد

فلسفی ، اجتماعی ، ادبی ، اقتصادی مجموعہ

آلومنانہ سنہ لکي [۲۱ - نسخہ]

داخل ایچون ۰ ۲ خارج ایچون
۲ ۱/۴ اعلا کاغذایی ۵ ایرادر .

اداره خانہ سی

جفال اوغلانده « اجتهاد ٹھوی »

تلفون : استانبول ۸۶۵

یکرمینجی سنہ

نومرو ۱۷۴ - ۱ شباط ۱۹۲۵

زیاده مقبول اولدیغنه ایمانك بر کمال اولماسی بانا یتیشیر .

Trainant après moi mon fantôme,
Je m'en vais disparaître comme
Un soleil couché dans la mer.

دییه بیلیمیه روحنده قدرت حس ایتمش اولماق بر فانی
ایچون آز سعادتمیدر ؟

۲۷ مایس ۱۹۲۴ اجتهد نهوی

دوقتور : عبدالله جودت

تحلیل آثار

سیاست و اقتصاد

۹ نجی مقاله‌سی یوسف آجوره‌بک « اقتصادیات و فرقه‌لر » موضوعنه تخصیص ایدیور . بوندن اولکی مقاله‌لردن برنده‌ده بوراده سویله‌دیگرنی آزچوق تکرار ایتشدرد . یاریسی مقاله، یاریسی خطابه اولان کتابلرده بو تکرر ضروریدر . بر فکری قبول ایتدیرمک ایچون مراجعت ایدیله‌جک چاره‌لردن برینک تکرار ایتمک اولدیغنی ادعا ایدن دوقتور کوستاولوبون حقلیدر .

La vérité ne peut jamais être assez répétée.
یعنی حقیقت نه‌قدار تکرار ایدیلسه آزدرد دین‌ذات یردن کوکه قادار حقلیدر . یوسف بک بومقاله‌ده بالطبع پک مصیب اولاراق « سیاسی فرقه‌لر مادی ، اقتصادی مافعه مستنداً تمدت ایتشدرد » دیور . و صوکره (آلمانیا) ده ؛ (فرانسه) ده (انگلتره) ده موخود سیاسی فرقه‌لری تعداد و توصیف ایدیور :

« قومونیسیت‌لرله سوسیالیست‌لر هیچ برملیکه ، هیچ برسر‌مایه مالک اولمایان صنایع عملیه‌سنک مثیلیدرلر کندیلری سرمایه‌دارلرک سرمایه‌سنک مصادرله‌سنی ویا لکنز دوئتک سرمایه‌دار قاهره ، بتون افراد جمعیتک اجیر اولماسنی طلب ایدرلر . قومونیسیت‌لرک سوسیالیست‌لردن فرقی اساسده اولمایوب اصول حرکتده و تعبیله‌ده : قومونیسیت‌لر اوچنجی انترناسیونالک یعنی موسقووانک دیرکتیف‌لرینه تابع اولاراق اونک کوستردیکی طرز حرکتی تعقیب ایتمکده‌درلر . برقاچ شعبه‌یه آیریلان سوسیالیست‌لر ایسه مملکت و شعبه‌لرینه کوره فرقلی تعبیلر اتحاد ایده‌رک بورژوا فرقه‌لرله تشریک مساعی بی‌قبول و داهامعتدلا نه‌حرکتی ترجیح ایدرلر .

قومونیسیتک مطلق صورتده انترناسیونالدر . قومونیزم اساساً بین‌الملل بر فرقه‌در مختلف مملکتلرده قومونیسیت فرقه‌لر ، اونک شعبه‌لری عد اولونور . سوسیالیست‌لرک « اهل سنت » اولانلری انترناسیونالیست‌درلر . فقط ملی سوسیالیست شعبه‌سی ده وارددر . دموقراطلر شهر و کویک متوسط سرمایه‌دارلری در . ملک شخصی و مقدس در آنجاچ بیوک سرمایه‌نک کوچوک‌لری یوتما‌ماسنه چالیشیرلر . ملیتی قبول و مدافعه ایدرلر . مساوات مطلقه طرفداریدرلر . یوسف بکک بو مقاله‌سنی کتایبده تام اولاراق او قومانی قارئلرله توصیه ایدرم . بتون فرقه‌لر و ماهیت اجتماعی و اقتصادی‌لری حقنده اولدجقه واسع و پک واضح معلومات وارددر و بونلری بیلیمک واجبدر . تورکیاده فرقه حیاتی‌ده ایی قاوارامشدر . تورکیاده منور طبقه ایچون « بونلر بر عصر اولنه قادار یوک واورته زعیمی زراعته مستند تشکیلات عسکریه‌نک رئیس اولان سلاطانک و امرا سنک قپو خلایق ، قوللری ، مداحلری دالفاؤقلری ایدی » بر عصر دئیری دوام ایدن اجتماعی ، سیاسی و فکری بحران بوتشکیلاتی پریشان ایش و منورلری استناد کاهسنز براقشدر . بونلر خدمت ایده‌جک‌لری صنف ، انتساب ایده‌جک‌لری قاپو آریورلر ... دیور . فقط منور انسان دالقانوق اولورمی ؟ دالقانوق اولورسه منور اولورمی ؟ « منور » دن یوسف بکک مراد ایتدیک تالی و عالی مکتبدن دیلوما آلمش و بر قاچ منظوم مشور یازی یازماق اقتداری کسب ایتمش کیمسه‌لر ایسه هیات ! منور اودر ، که عرقی شیرازی کیی

دست بد امان طاب چون زخم

کر بزخم لاف ادب جون زخم ؟

دیر واوله اولور ؛ یوسف بک ! بزمنورلر دکی مظلعلر . بو ظامتسرانی کیم تنویر ایده‌جک ؟

۲۸ کانون ثانی ۱۹۲۵ اجتهد نهوی